

持世經卷第一

方五

姚秦三藏法師鳩摩羅什譯

四利品第一

第壹列

如是我聞一時佛在王舍城迦蘭陀竹園與大比丘僧俱。爾時世尊與若干百千萬眾恭敬圍遶而為說法。會中有菩薩摩訶薩名曰

持世。為諸菩薩摩訶薩無量功德莊嚴發心欲善知一切法。決定彼岸欲善知發無量願具足無量莊嚴。欲通達無量諸法。決定相欲發無量莊嚴。願深心所行清淨。欲善知清淨具足。布施欲善知畢定清淨。持戒欲善知具足。忍辱柔軟之心。欲善知清淨精進。欲善知

清淨禪定。欲善知通達般若波羅蜜。彼岸以如是等無量功德。故從座而起。偏袒右肩。合掌向佛。白言。世尊。我欲問佛為利益安樂一切眾。生及諸菩薩摩訶薩。不斷佛種者。具足威儀。行處不著。持戒具足。清淨戒受。行大法。善知持無量行處。道法為是。諸菩薩故。我今

問佛世尊云。何菩薩摩訶薩能善知諸法實相。亦善分別諸法之相。亦能得念力。亦善分別一切法章句。慧亦轉身成就。不斷念乃至得阿耨多羅三藐三菩提。爾時世尊告持世菩薩言。善哉善哉。持世。汝能為諸菩薩摩訶薩故。問如來是事。當知汝則多所安隱。眾生

憐愍世間利益安樂。諸天世人亦為今世後世諸菩薩等作大光明。汝之功德不可限量。能問如來如是之事。汝必欲斷一切眾生之疑愛護。一切眾生為作光明。欲示眾生義利。欲令眾生得度險道。欲為眾生作歸作舍。作淵作故。欲拔三惡道眾生。欲置眾生於無上

道。欲脫眾生生老病死憂悲苦惱。欲與眾生無上涅槃之樂。汝欲於後世守護正法。於後恐怖惡世。欲度眾生。持世。汝今諦聽善思念之。吾當為汝解說此事。唯然世尊。佛告持世。諸菩薩摩訶薩。見四利故。勤修習諸法實相。亦善分別諸法之相。何等四。當得具足念當

得不斷念當以安慧而自增長念常在心持
世是為諸菩薩摩訶薩見四利故勤修習諸
法實相亦善分別諸法之相持世諸菩薩摩
訶薩復見四利勤修習諸法實相亦善分別
諸法之相何等四當善知決定諸法義當善
知諸法義當善知諸法種種因緣當善入諸
法如實門是為四持世諸菩薩摩訶薩復見四
利勤修習諸法實相亦善分別諸法之相何
等四當善知無量法相當修習善知決定無
量法當行無量功德而自增長當知見諸法
生滅相是為四持世諸菩薩摩訶薩復見四
利勤修習諸法實相亦善分別諸法之相何
等四當近阿耨多羅三藐三菩提當疾具足
助菩提法當不隨他語善知諸法方便故當
善知一切智慧持世是為諸菩薩摩訶薩見
四利故勤修習諸法實相亦善分別諸法之
相持世諸菩薩摩訶薩復有四利法勤修習
諸法實相亦善分別諸法之相何等四為利

益衆生故心無慳垢常行清淨戒安住毗梨
耶波羅蜜故發行精進不休不息正思惟故
善行般若波羅蜜是為四持世諸菩薩摩訶
薩復有四法勤修習諸法實相亦善分別諸
法之相何等四成就具足深心淨願成就具
足清淨所行功德安住柔和忍辱功德得分
別諸法實相光明是為四持世諸菩薩摩訶
薩復有四法勤修習諸法實相亦善分別諸
法之相何等四以大欲求一切智慧善知分
別禪定解脫諸三昧而生大欲得大慈悲喜
捨心故方便行清淨行善修習決定義是為
四持世諸菩薩摩訶薩復有四法勤修習諸
法實相亦善分別諸法之相何等四具足慧
行亦求清淨智行處樂無礙智亦常不離一
切智慧之願持世是為諸菩薩摩訶薩有四
法勤修習諸法實相亦善分別諸法之相持
世諸菩薩摩訶薩見四利能求念力何等四
當修習具足念根當行安慧當具足不斷念

當修習具足四念處是為四持諸菩薩摩訶
 薩復見四利能求念力何等四具足諸助善
 提法故念常在心以利念根善知修習宿命
 具足清淨智慧故當疾得不斷念當種一切
 智慧因緣是為四持世諸菩薩摩訶薩復見
 四利能求念力何等四當修習具足思惟方
 便當修習如實智慧當發勤精進得諸佛法
 故當不忘憶念得不斷念力故持世是為諸
 菩薩摩訶薩見四利故能求念力持世諸菩
 薩摩訶薩有四法名得念力何等四念安慧
 故常勤精進不休不息常一其心得諸法實
 相故常不放逸正憶念諸法故常護諸根正
 思惟故是為四持世諸菩薩摩訶薩復有四
 法名得念力何等四安住清淨持戒成就清
 淨威儀行處除去心中五蓋心不為世法所
 染離業障煩惱障是為四持世諸菩薩摩訶
 薩復有四法名得念力何等四以不散心求善
 法勤修習一心相善知正入諸法門不樂憤

聞遠離在家是為四持世諸菩薩摩訶薩復
 有四法名得念力何等四親近善知識常修
 習深法常樂至諸佛菩薩所常樂請問修習
 智慧持世是為諸菩薩摩訶薩有四法名得
 念力持世諸菩薩摩訶薩見四利能修習一
 切法分別章句慧何等四當善知一切諸法
 實相當分別一切法所因當知諸法決定義
 當善知一切法語言章句是為四持世諸菩
 薩摩訶薩復見四利能修習一切法分別章
 句慧何等四當善知諸法隨宜次第當善知
 一切法因緣方便當具足修習一切法方便
 當分別知了義未了義經是為四持世諸菩
 薩摩訶薩復見四法利能修習一切法分別
 章句慧何等四當善學是道是非道慧當得
 一切法義說力當疾得清淨智慧行處當具
 足修智波羅蜜持世是為諸菩薩摩訶薩見
 四利能修習一切法分別章句慧持世諸菩
 薩摩訶薩復有四法能修習一切法分別章

持世一

四

善

句慧何等四善知修習諸法集相善知諸法
因相善知諸法緣相能入因緣方便是爲四
持世諸菩薩摩訶薩復有四法能修習一切
法分別章句慧何等四善知諸法苦善知諸
法集善知諸法滅善知諸法滅道是爲四持
世諸菩薩摩訶薩復有四法能修習一切法分
別章句慧何等四善知諸法合散方便得先
因力善知諸法所宜善知分別文字章句是
爲四持世諸菩薩摩訶薩復有四法能修習
一切法分別章句慧何等四善知不了義經
於了義經中不隨他語善知一切法相印亦
善安住一切法無相智中持世是爲諸菩薩
有四法能修習一切法分別章句慧持世諸
菩薩摩訶薩復有四法轉身常得不斷念乃
至得阿耨多羅三藐三菩提何等四明了善
不善法成就第一念安慧能離五蓋心終不
忘念阿耨多羅三藐三菩提是爲四持世諸
菩薩摩訶薩復有四法轉身常得不斷念乃

方持世一

五

前

至得阿耨多羅三藐三菩提何等四善修習
四念處善修習學分別慧於諸禪定智慧爲
首於決定智慧印得通達是爲四持世諸菩
薩摩訶薩復有四法轉身常得不斷念乃至
得阿耨多羅三藐三菩提何等四得諸陀羅
尼門亦修習無生智入於盡智亦觀於滅智
是爲四持世諸菩薩摩訶薩復有四法轉身
常得不斷念乃至得阿耨多羅三藐三菩提
心何等四斷於愛恚不貪著一切有爲無爲
法心通達無爲智慧至如來所行處持世是
爲諸菩薩摩訶薩有四法轉身常得不斷念
乃至得阿耨多羅三藐三菩提心持世諸菩
薩摩訶薩有五淨智力皆具足能得如上功
德何等五深心淨智力願淨智力善根淨智
力迴向淨智力障業淨智力是爲五持世諸
菩薩摩訶薩復有五淨智力皆能具足得如
上功德何等五威儀行處淨智力念具足淨
智力方便淨智力緣衆生淨智力緣相淨智

力是爲五持世諸菩薩摩訶薩復有五淨智力皆具足得如上功德何等五捨心淨智力利益衆生淨智力生大慈淨智力生大悲淨智力生大喜大捨淨智力是爲五持世諸菩薩摩訶薩復有五淨智力皆能具足得如上功德何等五持戒淨智力不著持戒淨智力忍辱淨智力不著忍辱淨智力多聞淨智力是爲五持世諸菩薩摩訶薩復有五淨智力皆能具足得如上功德何等五深精進淨智力受精進淨智力禪定淨智力禪定方便淨智力止觀方便淨智力是爲五持世諸菩薩摩訶薩復有五淨智力皆能具足得如上功德何等五慧淨智力多聞決定方便淨智力世間出世間淨智力慧方便淨智力有爲無爲淨智力是爲五持世諸菩薩摩訶薩復有五淨智力皆能具足得如上功德何等五觀方便淨智力明解脫淨智力無生相淨智力一相無相淨智力第一義世諦義淨智力持

方

持世一

六

森

世是爲諸菩薩摩訶薩有是五淨智力疾得具足如是一切功德持世以是利故諸菩薩摩訶薩於是淨智力中應勤修習持世諸菩薩摩訶薩成就三法於是淨智力中能勤修習何等三一者欲二者精進三者不放逸諸菩薩摩訶薩成就此三法能於是具足一切功德淨智力中能勤修習何以故持世欲精進不放逸皆是一切法根本諸菩薩摩訶薩得是淨智力能疾得一切智亦名爲精進不退者亦名不退法者亦以此功德疾得增長亦於一切法中疾得淨智力持世若有人如是一切法中得清淨淨智力者是爲世間福田是人次我能消供養是人能至如來行處是人能觀如來法是人不久能證如來智慧持世我本無量阿僧祇劫行菩薩道時然燈佛與我受記汝過阿僧祇劫當得作佛即時徧知如是淨智力持世若有人於一切法中能成就如是淨智力者是人亦當得阿耨多羅

三藐三菩提如我今得是人亦轉法輪如我今轉是人亦師子吼如我今師子吼是人亦如是自然於一切法中得自在力如我今也持世汝等於此淨智力中當勤精進不久自然具足一切智慧持世過去無量阿僧祇劫有佛号智高王如來應正遍知明行足善逝

持世一

七

百

世間解無上士調御丈夫天人師佛世尊持世是智高王如來有無量聲聞僧亦有無量諸菩薩僧是佛本願因緣所致是智高王佛土無三惡道其諸眾生不覺有苦畢竟具足安隱快樂離欲者多能障五蓋是諸眾生成就如是清淨快樂如人入第四禪樂是智高

王佛壽六百萬億那由他劫持世是時國土惟佛為王更無有王國土眾生皆号佛為法王是智高王佛多為諸菩薩說是斷一切眾生疑喜一切眾生心菩薩藏經亦時有五百菩薩聞是諸菩薩淨智力發如是精進力盡形不生坐心盡形不生衣服想盡形不生我

想眾生想人想男女想盡形終不多食但修習如是淨智力勤行精進五百菩薩以是善根因緣命終皆生過東方十萬億國土既生不久修習是法故得識宿命成就利根其國土佛号無量華積王現在說法其諸菩薩始年十六於無量華積王佛所出家六十億歲行童子梵行亦修行如是精進持世是五百菩薩得值如是等二十億佛於諸佛所勤行精進成就第一念安慧未後值無量力高王佛與其受記過萬劫已當得阿耨多羅三藐三菩提是五百人於萬劫中得值二萬億佛具足佛道於一劫中次第得阿耨多羅三藐

三菩提持世當知菩薩摩訶薩疾欲得阿耨多羅三藐三菩提者於是淨智力中應生欲精進不放逸何以故持世諸佛阿耨多羅三藐三菩提皆以精進不放逸為根本及餘助道法能具足佛法者持世我以如是精進得值二十億佛於諸法中世世成就念力世世

得識宿命修習是法不休不息我終不失是故精進不放逸我常成就欲精進不放逸今時世尊以大慈悲心顧視四方神通力使三千大千世界諸閻浮提皆有化佛為諸眾生說是斷一切眾生疑喜一切眾生心菩薩藏經復以神力令竹園中在會大眾皆見諸佛

方持世一

八

九

遍閻浮提各各說法大眾咸悅從座而起皆俱禮佛作是言希有世尊諸佛如來神力不可思議成就無量不可思議法今時佛告大眾諸善男子如來是事未足為難所以者何如來善能通達法性故若一毛孔出神通力光明普照十方恒河沙世界演出法音於一毛孔

眾生濁見濁命濁煩惱濁劫濁諸善男子若有乃至一人能信受如是甚深清淨法能至佛慧是為希有何況能信解如來所行諸善男子我常長夜莊嚴如是願如是精進忍辱行為苦惱眾生無救護者無依止者多墮惡道者我於今時當成佛道利益無量阿僧祇眾生諸善男子當知如來恩力本清淨願精進故能令無量阿僧祇眾生信解受持如是深法諸善男子我於先世教化眾生是諸眾生能解我法諸善男子今佛以十力四無所畏少能令眾生信解如是甚深之法若有眾生住是法中者皆是如來恩力方便故我長

方持世七

九

第

夜不離如是深法我亦長夜大慈大悲大喜大捨攝取眾生少有如來出五濁世利益眾生何以故諸善男子我於先世以大精進力大方便力教化眾生集是阿耨多羅三藐三菩提諸善男子我念過世一日之中捨千身布施利益眾生諸善男子我於若干千萬世

見飢餓衆生故自割身肉煮以與之我於尔時心無憂悔但於衆生普行大悲諸善男子當知我如是大精進大方便力教化衆生集是阿耨多羅三藐三菩提是故諸善男子應發如是欲精進不放逸修習阿耨多羅三藐三菩提如我行菩薩道時汝等亦當如我利益教化衆生諸善男子是賢劫中諸佛出世無不讚我作如是言釋迦牟尼佛深行精進如是釋迦牟尼佛具足精進如是釋迦牟尼佛具足精進波羅蜜如是釋迦牟尼佛行菩薩道時教化衆生如來出於五濁利益無量阿僧祇衆生諸善男子如是行道故應勤生欲精進不放逸諸善男子我今雖得阿耨多羅三藐三菩提精進猶不休息至涅槃時猶發精進碎身骨如芥子解散支節何以故憐愍未來世衆生故我先世行菩薩道時所化衆生或行有錯謬墮諸難處欲免濟之起大悲心分布舍利乃至如芥子皆與神力我滅

度後若有衆生應以舍利度者心得清淨心得清淨已處處地中隨願成就諸善男子我先世行道時於衆生中成就如是悲心碎身舍利普使分布是我本願我以如是無量福德因緣大悲心故於後惡世普覆衆生諸善男子若諸菩薩於此法中能生欲精進不放逸必發是願於後末世受持讀誦爲人廣說如是等經我當於神力令諸菩薩受持讀誦爲人廣說我亦以如是等經囑累是諸菩薩以其能受持讀誦爲人廣說故所以者何諸善男子隨是經所住當知其土有佛不滅是故如來以是經囑累諸菩薩諸善男子當知

方持世乙

十

第

身以見法故則為見佛佛不應以色身見若人信法聽法是人則為信佛亦聽佛語若人於此法中能如說修行是人則為見佛是人名為實語者法語者隨法行者諸善男子我身非法非非法是名隨法行是名第一法施所謂不貪著法不貪著非法何以故若貪著法者不名見佛諸善男子不貪一切法名為見佛若於一切法中無所見者是名見佛何以故如來不可以法說不可以非法說亦不可以法見所以者何諸善男子如經中說汝等比丘若知我法如筏喻者法尚應捨何況非法若能捨法非法是名見佛何以故如來名為捨一切法者不貪不受諸法名字不墮名字法中何況墮非法名字中諸善男子捨離一切法名字名為如來能如是見者名為見如來何以故捨離見一切法故名為見如來以一切法不可得故如實知見一切法故名為見如來諸善男子若一切法不可得捨

方持世乙

十一

第

離一切法是中即無戲論是法是非法名字無行無來是名見如來若人能如是見法者是名見如來若能如是見如來者是名正見若異見者名為邪見若邪見者則為妄見是人不能為真見諸善男子真見者斷一切語言道非真非妄非有非無離一切法不取一切法不得一切法如是見者名為見如來何以故諸善男子如來不以法性見見一切法性離者名為如來若能如是見者名為正見諸善男子汝等應如是見如來汝等且觀如我所說觀於如來如是觀者當知一切法皆是如來當得一切法如當得一切法實相當得一切法非虛妄相當知一切法是如來法當知一切法是如來所行處當知一切法是不可思議行處諸善男子是故我說一切法是如來行處如來行處是無行處何以故一切法行處是中無法可行是故說無行處是如來行處一切法行處即是無行處無行處

即是如來行處何以故一切法行處無所有故無行處是如來行處一切行處入如來行處則非行處如來通達證是法故是名無行處是如來行處諸善男子能知一切法無行處是人能入如來行處是人能觀如來行處是人能求如來行處是人亦不貪著如來行

處何以故是人知無行處是如來行處離行處是如來行處所謂一切法不可得不可分別不可貪故是名非行處是如來行處是名入智行處不入一切法故何以故一切法無門故以是門入諸善男子一切法無入無出無形所以者何如來於法無所得何法若出

若入若見若說諸善男子是名入一切法門以不入相故一切法無合無散無縛無解是一切法門以無門故說是門名為不可出門不可入門不可歸門不可說門畢竟無生門以是法門於法無所知無所見以是法門於法無證無所入何以故諸善男子一切法無

方持世乙

十二

翁

門門不可得故虛空是一切法門從本已來性清淨故無斷是一切法門斷無所有故無邊是一切法門邊不可得故無量是一切法門量不可得故無際是一切法門諸際無所有故諸善男子若有善男子善女人能入是法門者則入一切法門則知一切法門則說

一切法門

持世經五陰品第二

尔時佛告持世菩薩持世若諸菩薩摩訶薩欲得一切法實相亦善分別說法之相若欲得念力若欲得一切法分別慧若欲轉身具足得不斷念乃至得阿耨多羅三藐三菩提者當疾入如是法門於是法門得智慧光明何以故於是法中疾得具足故又復持世諸菩薩摩訶薩勤修習如是法門入是法方便門能得分別陰方便界方便入方便因緣生法方便四念處方便五根方便八聖道分方便世間出世間法方便分別有為無為法方

便持世何謂菩薩分別五陰方便諸菩薩摩訶薩正觀五取陰所謂無明陰是五取陰苦陰是五取陰癡陰是五取陰病陰癱陰如箭入身陰是五取陰諸菩薩分別觀擇色取陰云何為分別觀擇色取陰是色取陰從四大生假名為色取陰是色陰無有自性但以四

方持世一

十三

前

大和合假名為色陰色陰無有作者無使作者無作無起無出名為色陰但以先業因緣四大所攝數名色陰非陰是色陰譬如虛空陰實無生相若說虛空陰是中無有法生但有名字故名為虛空陰凡夫於此無陰陰想顛倒心故無實實想貪著我五陰我所五陰我色陰我所色陰如是貪著是諸凡夫貪著色已於色中依止我我所有色受色取色著色依色受行種種惡不善業我等不應隨凡夫學我等應勤修習助菩提法今應正觀色陰諸菩薩正觀色陰時知同水沫聚云何知同水沫聚無聚是水沫聚但從眾緣生不可

執提無有堅牢水沫聚中無有聚相無聚是水沫聚色陰亦如是色陰中無有陰相諸菩薩如是觀時作是念凡夫不能正觀虛妄色不能如實知色無常不能如實知色相我等入正道不應貪著虛妄不應貪著色何以故色是不可貪著相色但有名字無決定相當觀是色無決定相離名字故名之為色又說色名惱懷相智者通達知是無相我等應當善知修習色無相方便不貪著色相若人貪著色相即貪著色我等應善知入色相諸菩薩如是正觀時如實觀擇色是色陰皆從凡夫憶想分別起若法從憶想分別起即是不生一切憶想分別皆非真實凡夫依止顛倒所起色為色所縛為色所害往來若惱無明癡闇故貪色不捨見色有常堅固是凡夫人為色縛色所縛故往來地獄畜生餓鬼天人深貪色味不觀色中有諸過惡我等不應隨凡夫學應當觀擇分別修習色方便分別觀

擇色時見色性如夢辟如夢中色皆從憶想
分別覺觀起曾所見聞覺知因緣起是夢中
亦知彼我亦見地水火風亦見山河叢林夢
中色相無有決定但以憶想故有色陰相亦
如是從先世業因緣出無有決定性諸菩薩
如是思惟不取色若我若我所但正觀色如

方

持世一

五

持

實無常相虛妄顛倒眾生顛倒貪著取色若
我色若我所色若彼色若彼所色如是正觀
擇色時不得色不見色性亦不貪著色無常
菩薩今時若於色中愛念貪著皆悉除斷善
知色正相善知色平等相善知色滅相善知
色滅道相善知色陰無所從來去無所至作
是念是身色陰皆從業果報覺觀起四大所
攝是身色陰非我非彼無有所屬無所從起
觀色陰如是內色不貪不受外色不貪不受
過去色不貪不受未來色不貪不受現在色
不貪不受即知一切色陰是無生相是菩薩
今時不滅色亦不求滅色法持世諸菩薩摩

訶薩觀擇色取陰如是持世何謂菩薩摩訶
薩觀擇受取陰菩薩作是思惟是苦受樂受不
苦不樂受皆從因緣生屬諸因緣入受相中
此中無有受者但以貪著故貪著者即是不
真虛妄從憶想分別起是菩薩如是思惟時
作是念是凡夫為虛妄受所縛為三受所害所

謂苦樂不苦不樂受是凡夫若受樂為愛結
所使以愛結所使故能起惡業若受苦為恚
結所使以恚結所使故起諸惡業若受不苦
不樂受為無明結所使是人因無明結所使故
不脫憂悲苦惱我等今不應隨凡夫學應正
觀諸法我等應如實觀諸受諸菩薩如實觀
受陰作是念非陰是受陰從憶想分別起顛
倒相應無有受者但從先世業因今世緣故
受諸受自性空受中無有受相諸菩薩觀達
受陰如水泡譬如雨滴水泡有生有滅無有
決定受陰亦如是次第因緣起屬諸因緣無
有住時虛妄不實從憶想顛倒相應起諸善

方

持世一

五

持

薩尔時作是念凡夫可愍為諸受所制以不
 正觀受陰故得樂受生著得苦受亦生著得
 不苦不樂受亦生著為諸受所縛馳走往來
 從身至身受結所縛輪轉五道無有休息是
 凡夫著於諸受為受所制為受所繫不脫受
 陰於受陰所不見出處不知正觀受陰故不
 知如實觀受陰無常於受陰中為欲染所縛
 不知受陰如實相我等今不應隨凡夫學應
 如實觀擇受陰即時如實觀受陰無陰是受
 陰不真陰是受陰顛倒陰是受陰不住陰是
 受陰是時見受陰如實相無有作者無有使
 作者於受陰中不見受陰相如是觀受陰不見
 受陰在內不見受陰在外不著受我不著受
 彼知受陰無所從來無有所屬無法能生受
 者但從顛倒相應先世業果報數名受陰見
 受陰虛妄因緣相續行尔時過去受陰不受
 不貪不著未來受陰亦不受不貪不著現在
 受陰亦不受不貪不著是人於樂受中除却

愛結苦受中除却恚結不苦不樂受中知見
 無明結故勤行精進菩薩尔時苦受樂受心
 不生愛苦受苦受心不生恚若受不苦不樂
 受心不生癡持出凡夫多於樂受生愛苦受
 生恚不苦不樂受生癡是諸凡夫以愛恚癡
 故深入闇冥不能如實知受陰亦不知愛恚癡
 相深貪著愛恚癡所謂是我我所是此彼等持
 世諸菩薩摩訶薩於此中正觀受陰者不為
 愛恚癡所牽若生愛恚癡即能除斷行於正
 道於樂受中斷愛結使故勤精進於苦受中
 斷恚結使故勤精進於不苦不樂受中斷癡結
 使故勤精進如實知三受相尔時有所受若
 若苦樂若不苦不樂皆離不著離愛結使離
 恚結使離癡結使諸受起時皆能知見受陰
 如實知受陰如實無常若能如是知已於受
 陰中欲染悉斷入斷受陰欲染道中不為諸
 受所汙是諸菩薩若是五正觀受陰如實知
 受陰知受陰集受陰滅受陰滅道然後如實

方持世一

十一

并

知受陰是無生相以無生相通達受陰無相持世諸菩薩摩訶薩觀擇受陰如是持世何謂諸菩薩摩訶薩觀擇想陰諸菩薩摩訶薩正觀想陰時見想陰皆從顛倒起虛妄不堅不實從本已來不生相以因緣和合先業力起作是念非陰是想陰虛妄陰是想陰顛倒陰是想陰想陰中無想陰相譬如春後日焰以名字故說名為焰隨想陰亦如是以識相故說名想陰凡夫於此為虛妄想所繫或識樂或識苦或識不若不樂或識寒熱或識男六或識五道生死或識合或識散或識過去或識未來或識現在或識好或識醜或識有或識無是識凡夫想皆為顛倒虛妄屬諸因緣但有假名為想陰此中若內若外無有想者凡夫人虛妄想所繫故或識貪欲或識瞋恚或識愚癡或識妻子凡夫依止是想陰貪著虛妄以是想陰馳走往來不能如實觀想陰是虛妄凡夫以我相彼相男女相繫於相

十七

陰不能得脫貪著想陰我是想陰我所是想陰我等不應隨凡夫學諸菩薩摩訶薩如是正觀想陰想陰中想陰相不可得如焰陰中焰陰相不可得菩薩見想陰如焰性過去想陰不貪不受不著未來想陰亦不貪不受不著見現在想陰不住不分別若我若彼即行滅想受陰道通達想陰是無生不見想陰若來處若去處但以顛倒相應先世業因所起現在緣所繫無陰是想陰觀擇想陰無所從來去無所至即通達想陰無生亦不分別想陰滅但為滅一切想受故亦住如實知見故菩薩如實觀想陰時遠離一切想道心亦不住一切想道但住知見想陰故隨如實想陰不貪著想陰如實觀擇一切想陰如實知想陰集滅盡持世諸菩薩摩訶薩如是正觀擇想陰則離想陰欲染亦能行斷想陰欲染道

持世經卷第一

方五

要字錯謬虛苗幼反伐喻音如一雍紅恭反正作

寢字適清同字

福慶齋刊

大宋國嘉興府華亭縣白砂鄉十五保居住奉
佛弟子方亮同妻朱氏五娘家眷等謹發誠心施淨財資刊印貴入磧砂
聖院大藏經坊刊造方字函持世經壹拾卷流通佛教所集功德專用迴薦
先考六十一府幹方公尊靈承此良因超昇 佛留介仍祝在堂每親夏氏已亥星君伏乞
保扶福壽增廣齒眉光顯吉祥如意著 淳祐元年十一月 日奉佛弟子方亮謹題

持世經卷第二

方六

姚秦三藏法師 鳩摩羅什譯

傳耶刊

五陰品之餘

持世何謂菩薩摩訶薩觀擇行陰持世諸菩薩摩訶薩觀行陰從顛倒起虛妄憶想分別假借若有菩薩今時若身行口行意行皆觀不淨無常若空無我如是觀時作是念非意是行陰苦陰是行陰衆因緣生陰是行陰像陰是行陰諸行陰無增無減無集身行口行意行無有作者智者不貪受是行陰所以者何是諸身行不在身內不在身外不在中間口行意行亦復如是不在意內不在意外不

在中間行陰中無行陰相何以故是行陰從衆因緣顛倒是虛妄不真先業果報所攝亦令因緣所繫能有所行諸所有行若身行若口行若意行皆非真行無所有行虛妄行顛倒行是故說非陰是行陰何以故智者不決定得行陰相是身行是口行是意行此處彼處若內若外又身口意行尚無決定行相可得可說何況行陰可得可說是故說無陰是行陰凡夫起顛倒想貪著身口意行憶念分別是行陰為行陰所縛馳走往來凡夫以顛倒故起身口意行起已貪著歸趣無法生法想無陰生陰想著顛倒行故為行陰所繫往來五道常隨身口意行不能如實觀身口意行不能如實觀行陰故以身口意業而起諸行是諸凡夫著顛倒故著不真法故著虛妄故數名行陰持世諸菩薩於此中如是正觀諸行無有根本羸劣無力以衆緣和合可說行陰是中無有真實行陰無陰是行陰從本